

INUIT ATAQATIGIIT

INATSISARTUNI



09. oktober 2012

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Apeqqutit:

1. Qanga kingullermik Ittoqqortoormiini tunitsivik tunitsivigineqarnissaminut ammatinneqarpa?
2. Namminersorlutik Oqartussat maannamut sullissinissamut isumaqatigiissuteqarfigisaanni (konto 50.01.18) tunitsiviit pineqartut killiffiannik Naalakkersuisut qanoq ilisimatitsisinnaappat?
3. Tunitsiviit arlaat ukioq ataaseq sinnerlugu matoqqasimappat, Naalakkersuisut isumaqataanerlutik tak. Namminersorlutik Oqartussat aamma Arctic Green Food A/S Sullissinissamut isumaqatigiissutaat, *tunisinerup unitsinneqarallarneratut*, taaneqarsinnaangitsoq?
4. Naalakkersuisut isumaqarpat Arctic Green Food A/S-ip sullissinissamut isumaqatigiissut eqqortikkaat?

(inatsisartunut ilaasortaq Juliane Henningsen, Inuit Ataqtigiiit)

Tungavilersuut:

Ullumikkut aningaasanut inatsimmi nunaqarfinni isorliunerusunilu tunitsiveqarnissaq anguniarlugu 23 mio. kr. ingerlatsinissamik isumaqatigiissuteqarnermut immikkoortinneqarsimapput, taamaaliornikkut aalisarnikkut piniarnikkullu suliffeqaannarnissaq suliassaqaannarnissarlu qulakkeerneqarmat. Taamaattoq tunitsiviit arlallit sivisuumik matoqqasarsimanageranik paasisaqarpunga, naak tunitsiviit ingerlaavarnissaannut Namminersorlutik Oqartussat tapiisaraluartut.